

Reglur um framlög til þróunarverkefna og jarðabóta á lögbýlum

Hér á eftir er gerð grein fyrir þeim reglum sem gilda um framlög til þróunarverkefna og jarðabóta á lögbýlum. Jafnframt fylgir hér með umsóknareyðublað vegna framkvæmda á árinu 2006. Umsóknarfrestur er til 1. mars nk. Frá þessum fresti er þó ein undantekning en fyrir bændur sem hyggjast sá korni til þroska er nóg að tilkynna til Búnaðarsambandsins fyrir 1. júní n.k. að sáð hafi verið korni. Tilgreina skal fjölda hektara. Framlag fæst því aðeins að korn (bygg, hafrar, rúgur, hveiti) sé ræktað til þroska á a.m.k. tveimur ha.

1. Endurræktun vegna aðlögunar að lífrænum búskap

Veitt er framlag til endurræktunar túna, akra (garðlanda) og gróðurhúsa vegna aðlögunar að lífrænum búskap. Framlag fæst í tvö ár af aðlögunartímanum fyrir hverja landspildu. Framlag fyrir hvern ha. sem er í endurunnu landi er kr. 30.000 og kr. 300 fyrir m2 land í gróðurhúsi í aðlögun. Einnig er veitt framlag vegna kostnaðar við upphaflega vottun, 40.000 kr., einu sinni. Auk meðmæla héraðsráðunautar skal fylgja umsókn staðfesting vottunarstofu á að aðlögun sé hafin, eða tilvísun í fyrra árs staðfestingu að svo sé. Við úttekt skal úttektarmaður fullvissa sig um stærð þess lands sem verið er að taka út í ha. eða m2. Úttekt skal fylgja kort eða riss af túni, þar sem merkt er inn á hvaða spildur hafa verið endurunnar. Þeir einir sem eru á skrá hjá viðurkenndri vottunarstofu yfir þá sem eru í lífrænum búskap eða í aðlögun að honum, geta fengið framlag.

2. Umhverfis og þróunarverkefni í garðrækt/ylrækt

Framlag fæst til:

- A. Tölvu- og stýribúnaðar í gróðurhúsi. Hér undir falla tölvur, nemar og lokar til stýringar á hita, loftun, vökvun, áburðargjöf og kolsýrugjöf og fjargæslubúnaður.
 - B. Kælubúnaðar í matjurta- og blómageymslur.
 - C. Vökvunar- og frostvarnarbúnaðs í garðlöndum og ökrum.
 - D. Hringrásarkerfis hitalagna í gróðurhúsi. Framlag getur orðið allt að 25% af kaupverði tækjabúnaðar, en þó aldrei hærrí upphæð en hér segir.
 - A. Tölvu- og stýribúnaður í gróðurhúsi 400.000 kr.
 - B. Kælubúnaður í geymslur 500.000 kr.
 - C. Vökvunar- og frostvarnarbúnaður 500.000 kr.
 - D. Hringrásarkerfis hitalagna í gróðurhúsi 200.000 kr.
- Framlag reiknast af tækjabúnaði, en ekki vinnu við uppsetningu. Séu reikningar skv. tilboði fyrir tæki uppsett, munu Bl áætla hve stór hluti reiknings er tæki og hve stór vinna, ef það kemur ekki fram á reikningnum. Raflagnir og fastar vatnslagnir sem lagðar eru sérstaklega vegna ofangreindra tækja teljast ekki til verðs á tækjum. Tækin skulu hafa verið sett upp og vinna eins og til er ætlast, áður en úttekt fer fram. Tæki sem áður hafa verið tekin út fást ekki tekin út aftur í öðru húsi eða á öðrum akri. Úttektarmaður skal fullvissa sig um að tæki, sem skal taka út, hafi verið sett upp og vinni eins og til er ætlast. Hann skal einnig fá til skoðunar reikninga yfir kaup á tækjum. Aðeins fæst framlag til gróðurstöðva með rekstur sem er gjaldskyldur og skilar búnaðargjaldi.

3. Kornrækt

Varið verði allt að 45 millj. kr. í framlög til kornræktar árið 2006 með vísan til b-liðs í bráðabirgðaákvæðum búnaðarlaga-samnings frá 17. maí 2006. Framlag fæst því aðeins að korn (bygg, hafrar, rúgur, hveiti) sé ræktað til þroska á a.m.k. tveimur ha. Framlag getur verið allt að 20.000 kr. á hvert bú sem ræktar tvo ha. af korni eða meira og einnig 10.000 kr. fyrir hvern ha. sem korn er þreskt af. Aðeins er greitt út á heila ha. og venjulegar reglur um upphækkanir gilda. Nægi fjármunir ekki fyrir óskertum framlögum skal fella niður framlög á ræktun umfram 20 ha. áður en önnur framlög eru skert. Sáð skal hafa verið yrki, sem er viðurkennt að nái þroska hér á landi í flestum árum, ef því er sáð á eðlilegum tíma. Vorkorni þarf því að hafa verið sáð fyrir 20. maí eigi að fást framlag á akurinn. Kornið þarf að hafa verið skorið og hirt, annað hvort þurrkað eða blautverkað. Ekki fæst framlag á akra sem fuglar (gæsir) eða búpeningur hafa bitið í svo ríki mæli að korn-uppskera er ekki hirt. Til að standast úttekt þarf bóndinn að leggja fram viðurkennt túnkort eða málsettan uppdrátt (teikningu) af kornræktarlandinu. Úttektarmaður skal fullvissa sig um að sáð hafi verið korni til þroska en ekki grænfóðurs, akurinn hafi verið skorinn og fullvissa sig um stærð hans annað hvort með mælingu eða eftir túnkorti. Umsóknarfrestur um framlag til kornræktar er til 1. júní ár hvert.

4. Beitarstjórn og landnýting

Framlag fæst til:

- A. Landbótaáætlunar vegna gæðastýringar í sauðfjárrækt
- B. Samsvarandi landbótaáætlunar í hrossarækt.
- C. Landbótaáætlunar sem unnin er vegna þátttöku í verk-efninu „Beta bú“. Framlag er 45.000 kr. fyrir hverja áætlun. Hver áætlun skal ná til a.m.k. þriggja ára (allt að tíu ára). Hvert bú fær ekki framlag oftar en á þriggja ára fresti. Áætlunin skal viðurkennd og tekin út af héraðsráðunaut eða Landgræðslu ríkisins. Landnýtingarráðunautur Bl yfirfer úttektir áður en framlag er greitt.

5. Umhverfis- og fegrunaráttak í sveitum

Framlag fæst til eftirtalinna átaksverka:

- D. Til að fjarlægja brotajárn af bújörðum.
- E. Til að hreinsa burt ónýtar, aflagðar girðingar.
- F. Til að rífa og hreinsa burt ónýtar byggingar á jörðum. Framlag getur numið;
- G. Nái átakið til allt að 20 bújarða á félagssvæðinu er framlagið allt að 300.000,
- H. Nái átakið til 21 - 40 bújarða er framlagið allt að kr. 450.000
- I. Nái átakið til 41 jarðar eða fleiri er framlagið allt að kr. 600.000.

Hlutfallslegt framlag er greitt eftir fjölda bújarða innan ofangreindra flokka. Skilyrði er að umhverfisátakið fari fram á vegum búnaðarfélags, eða búnaðarsambands. Átakið skal vinna á grundvelli fyrirfram gerðar framkvæmdaáætlunar. Sérstakt form verður útbúið fyrir áætlunina. Framlög fást ekki

greidd fyrir en framkvæmdin er fullunnin og tekin út af héraðsráðunaut. Ekki er greitt framlag út á sömu jörð nema einu sinni. Átakið nær jafnt til eyðibýla sem jarða í ábúð. Umsækjendur um framlag úr þessum flokki eru aðeins búnaðarfélög eða búnaðarsambönd.

6. Verkefni tengd búfjárhaldi og vinnuaðstöðu

A. Veitt er framlag til breytinga á gripahúsum, sem eru gerðar til að bæta aðbúnað búfjár eða vinnuaðstöðu í húsunum. Skilyrði fyrir framlagi er að hönnun og breytingar séu gerðar í samvinnu við héraðsráðunaut og/eða viðurkenndan hönnunar- aðila og samþykkt af Byggingaþjónustu Bl. Umsókninni verður að fylgja kostnaðaráætlun. Framlag getur numið allt að 30% af sannanlegum kostnaði við hönnun og breytingar, en þó aldrei hærrí upphæð en 500.000 kr. Markmið þessa flokks er að bæta aðbúnað og vinnuaðstöðu í gripahúsum, þar sem hún er ófullnægjandi. Ekki er um að ræða styrki til endurnýjunar á slitnum búnaði. Hönnuður/ir framkvæmdar þurfa að meta hvort hún muni skila tilætlunum tilgangi (bætt vinnuaðstaða og/eða aðbúnaður búfjár) og er hagkvæm lausn fyrir umsækjandann. Ekki eru veitt framlög til tækjakaupa s.s. fóðurvagna, hlaupakatta, talía, mjaltþjóna, mjaltatækja og afrúllara. Hins vegar eru básamottur, milligerðir, mjaltagryfjur, gjafagrindur og brautarkerfi ýmskonar styrkhæf verkefni, enda liður í bættri vinnuaðstöðu og/eða aðbúnaði. Breytingar á mjaltaaðstöðu í fjósum eru styrkhæfar en ekki tækjabúnaðurinn. Þannig eru t.d. mjaltagryfjur styrkhæfar og nauðsynlegar breytingar vegna uppsetningar á mjaltþjóni svo og fastar innréttingar þeim tengdar. Einnig breyting úr hefðbundnu fjósi í legubásafjós. Breytingar á húsum sem að öllu jöfnu hafa ekki hýst búpening geta verið styrkhæfar, enda er um bætt vinnuaðstöðu og/eða bættan aðbúnað að ræða og markmið breytinganna fela ekki í sér fjölgun búfjárens (er ekki nýbygging í þeim skilningi). Breytingar á gólfefnum í gripahúsum teljast til viðhalds eða endurnýjunar, þó svo að verið sé að skipta um tegund af gólfefni, t.d. úr stálistum í rimlagólf. Búnaður til loftræstingar (m.a. víftur, stokkar) og til brynningar (m.a. skálar, rör) er styrkhæfur ef úrbóta er þörf í viðkomandi gripahúsi enda er ekki um að ræða viðhald né endurnýjun á því sem fyrir er. Gjafagrindur, hvort sem þær eru keyptar eða heimasmiðaðar eru styrkhæfar framkvæmdir.

Hönnunaraðili áætlar vinnu bóndans sem fer í framkvæmdina og eru vinnustundirnar sérstaklega tilgreindar í kostnaðar-áætluninni. Eftir þeirri áætlun verður farið við úthlutun styrkja. Sama bú getur ekki fengið fullan styrk úr þessum flokki nema á þriggja ára fresti. Nánari reglur verða gefnar út um mat á eigin vinnu. Ekki eru veitt framlög vegna nýbygginga.

B. Framlag fæst til byggingar gripaskjólá í högum. Aðeins fást framlög á gripaskjól sem unnin eru skv. teikningum, sem Byggingaþjónusta Bl gerir eða samþykkir. Framlag á hvert skjól getur numið allt að 50.000 kr.

C. Greidd verða framlög vegna endurnýjunar búra á loðdýrabúum, enda uppfylli hin nýju bú kröfur aðbúnaðarreglugerðar (nú í drögum) um stærðir og gerð og séu úr efni sem viðurkennt er af Bl. Hámarksstyrkur út á 6 hólfa minkabúr/2ja hólfa refabúr er 3.500 kr.

7. Viðhald framræslu lands vegna ræktunar

A. Upphreinsun úr framræsluskurðum í ræktuðu landi og affallskurðum frá þeim, þótt í óræktuðu landi sé, er 25.000 kr. á km.

B. Pípuræsi sem sett eru í opna skurði til að loka þeim eða til að tryggja örugga framræslu á landi, þar sem opnum skurðum hefur verið lokað. Skilyrði er að verkið sé unnið samkvæmt forskrift ráðunautar í jarðrækt og er 75.000 kr. á km.

C. Upphreinsun úr stórum affallsskurðum sem taka við vatni af stóru vatnasvæði kr. 50.000 á km. Skilyrði til að fá framlag skv. þessum lið er að skurðirnir séu hreinsaðir bakka á milli og séu minnst 6 m breiðir að ofan.

8. Kölkun túna

Framlag til kölkunar túna fæst eingöngu út á flutning túnkalks (áburðarkalks, skeljasands). Framlag getur orðið allt að 10 kr. á tonn á km flutningsvegalengdar.

A. Frá uppskipunarstað til bónda

B. Úr heimafjörum til bónda. Umsækjandi þarf að fá viðurkenningu Bl á að skeljasandur úr heimafjörum uppfylli kröfur um túnkalk áður en framlag fæst og er miðað við kalsíum-magnið í sandinum, sem ekki má vera minna en 15%.

C. Heimilt er að greiða sérstakt framlag út á dælingu skeljasands úr sjó á land og er hvert tilvik meðhöndlað sérstaklega hjá Bl.

Til að fá flutningsframlag á kalkið skal það hafa verið notað til jarðvegsbóta á tún eða annað ræktunarland. Jarðabótamaður skal við úttekt framvísa reikningum, þar sem greinilega kemur fram hver flutningskostnaður kalksins er. Önnur útvegum kalks en að ofan greinir getur verið styrkhæf, t.d. ef umsækjandi sér sjálfur um flutning kalksins en þá verður hann að gera nákvæma grein fyrir kostnaði. Framlag samkvæmt þessum flokki geta bændur á lögbýlum fengið og einnig búnaðarfélög og búnaðarsambönd sem standa fyrir uppþælingu á skeljasandi á félagssvæðinu. Bú er skilgreint í þessum reglum sem rekstrareining þar sem búnaðargjaldskyld framleiðsla er stunduð eða ferðaþjónusta veitt á lögbýli og er með sérstakt virðisaukaskattsnúmer.

Fimmtudagsfræðslan

Fram á vorið verða haldin ýmis fræðsluerindi á vegum BSSL og verða þau flest haldin í fundarsal BSSL að Austurvegi 1 á Selfossi á hverjum fimmtudegi frá kl. 13:30 til 15:30. Þegar hafa verið haldnir tveir fundir, annars vegar um einstaklingsmerkingar og gripagreislur og hins vegar um stefnumótun. Á næstu vikum verður haldið áfram á þessari braut. Erindin eru ýmist fyrirlestrar eða létt spjall um málefnið. Þáttökugjald er krónur 2.000 á mann fyrir hvern fund. Skráningar fara fram í síma 480 1800 eða í tölvupósti á netfangið bssl@bssl.is Nauðsynlegt er að skrá sig svo hægt sé að gera viðeigandi ráðstafanir ef útlit er fyrir meiri aðsókn en fundarsalurinn ræður við.

Dagskrá næstu vikna eru eftirfarandi:

23. febrúar: Lærðu á launakerfið í dk-Búbót.

Ábyrgðarmaður: María Karen Ólafsdóttir

Lýsing: Kynning á launakerfinu í dk-Búbót. Í því er hægt að prenta út launaseðla, reikna út öll launatengd gjöld og senda skilgreinar inn rafrænt. Farið verður yfir hvernig forritið er notað.

2. mars: Endurfjármögnun

Ábyrgðarmaður: Valdimar Bjarnason

Lýsing: Farið verður yfir helstu kosti í endurfjármögnun, innlend lán skoðuð, vextir, skilmálar, og tímalengd. Erlend lán, myntkórfulán, liborvextir, gengisþróun og sveiflur og staða og horfur í efnahagsmálum.

9. mars: Hrossarækt og skýrsluhald á Suðurlandi

Ábyrgðarmaður: Halla Eygló Sveinsdóttir / Pétur Halldórsson

Lýsing: Skýrsluhaldið kynnt og farið yfir hvernig á að grunnskrá hross og fylla út þær skýrslur sem tilheyra skýrsluhaldinu. Einnig sýnikennsla á WorldFeng, gagnagrunn Bændasamtaka Íslands. Tilvalið fyrir þá sem vilja byrja í skýrsluhaldi og þá sem vilja koma sér betur inn í þau mál.

16. mars: Sóknarfæri í jarðrækt

Ábyrgðarmaður: Jóhannes Hr. Simonarson

Lýsing: Ísland er fyrst og fremst grasræktarland. En hvaða möguleika aðra eigum við í jarðræktinni? Bygg hefur nú verið ræktað um nokkurra ára skeið, víða með ágætum árangri en það er fyrst og fremst orkufóður. Lítið hefur verið reynt við ræktun próteingjafa s.s. ertur, flækur og fóðurlúpinu en á þessum fræðslufundi verður einkum fjallað um mögulega ræktun á þessum jurtum hér á landi og líkindi þess að vel megi takast til.

Námskeið á Suðurlandi

Landbúnaðarháskóli Íslands býður upp á eftirfarandi námskeið nú á næstu mánuðum á Suðurlandi:

Rúningur og meðferð ullar - grunnnámskeið - Suðurlandi

Landbúnaðarháskóli Íslands

Tími: lau. 25. febrúar kl. 10:00-18:00 og sun. 26. febrúar kl. 9:00-18:00 á Suðurlandi (22,5 kennslustundir).

Námskeiðið er ætlað fólki með litla reynslu af vélrúningi. Hámarks fjöldi þátttakenda er 8.

Kennnd verða og sýnd grunnatriði við vélrúning á sauðfé.

Námskeiðið er að mestu í formi verklegar kennslu. Lögð verður áhersla á góða líkamsbeitingu, rétt handbrögð og frágang. Einnig verður farið yfir helstu atriði við meðferð á ull og áhrif húsvistar á hana. Starfsmaður frá Ístex kemur að námskeiðinu og kennir tækni við mat á ull.

Umsjón og kennsla: Guðmundur Hallgrímsson staðarráðsmaður á Hvanneyri. Verð: 22.900 kr.

Skráning á námskeið og almennar upplýsingar veitir Guðrún

Lárusdóttir, netfang: gurra@lbhi.is eða í síma 433-5308.

Stjórnun og ábyrgð í félögum - námskeið á Suðurlandi

Landbúnaðarháskóli Íslands / Bændasamtök Íslands

Tími: fös. 3. mars, kl. 10:00-17:00 á Suðurlandi

Haldið í samstarfi við Bændasamtök Íslands

Fjallað verður um stjórnun félaga, aðallega hlutafélaga. Gerð verður grein fyrir hlutverki og ábyrgð stjórnenda (félagsstjórnar og framkvæmdastjóra), samskiptum þeirra og verkaskiptingu. Einnig verða skoðaðar reglur um viðskipti félaga við stjórnendur sína.

Kennari: Áslaug Björgvinsdóttir lögfræðingur og dósent við lagadeild Háskólans í Reykjavík. Verð: 16.600 kr.

Skráning á námskeið og almennar upplýsingar veitir Guðrún

Lárusdóttir, netfang: gurra@lbhi.is eða í síma 433-5308.

Tamning fjárhunda - námskeið á Kirkjubæjarklaustri

Landbúnaðarháskóli Íslands

Tími: lau. 22. apríl kl. 10:00-18:00 og sun. 23. apríl kl. 09:00-

18:00 á Kirkjubæjarklaustri (22,5 kennslustund)

Námskeiðið er einkum ætlað þeim sem vilja læra undirstöðuatriði við tamningu fjárhunda. Hámarksfjöldi þátttakenda á hvert námskeið er 10 og lágmarksaldur hunda er 6 mánaða.

Þátttakendur vinna með eigin hund á námskeiðinu. Kennsla er að mestu verkleg en að auki eru haldnir fyrirlestrar um notkun fjárhunda. Námskeiðið nýtist eigendum Landamæra-Collie (Border-Collie)

hunda best en eigendur annarra hunda geta einnig haft gagn af námskeiðinu. Hundar sem koma á námskeiðið skulu vera bóluset-

tir við smáveirusótt (smitsjúkdómur) og skal bólusetningin ekki vera eldri en 2 ára og ekki yngri en 10 daga. Hugsanleg smithætta er á ábyrgð hundaeigenda. Hundar skulu einnig vera orma-

hreinsaðir og skal sú hreinsun ekki vera eldri en 12 mánaða.

Umsjón og kennsla: Gunnar Einarsson bóndi á Daðasatöðum.

Verð: 22.900 kr.

Skráning á námskeið og almennar upplýsingar veitir Guðrún

Lárusdóttir, netfang: gurra@lbhi.is eða í síma 433-5308.



FRÉTTABRÉF BSSL

EFNI BRÉFSINS:

Hrossaræktarfundur. 1

Aðalfundur BsSI 1

Kynning á nýju skýrsluforriti 1

Myndasýning 1

Reglur um framlög til þróunarverkefna og jarðabóta 2

Fimmtudagsfræðslan 4

Námskeið á Suðurland á næstunni 4

Á DÖFINNI:

- **22. febrúar:** Hrossaræktarfundur í Þingborg kl. 20.30
- **23. febrúar:** FF: Lærðu á launakerfið í dkBúbót
- **25.-26. febrúar:** Rúningsnámskeið
- **2. mars:** FF: Endurfjármögnun. Myndasýning og verðlaun f. kúaskoðun í Þingborg kl. 13.15
- **3. mars:** Stjórnun og ábyrgð í félögum-námskeið
- **9. mars:** FF: Hrossarækt og skýrsluhald.
- **16. mars:** FF: Sóknarfæri í jarðrækt.
-

Hrossaræktarfundur

Almennur hrossaræktarfundur á vegum Félags hrossabænda og Bændasamtaka Íslands verður haldinn í Þingborg miðvikudaginn 22. febrúar kl. 20:30. Á fundinn mæta Guðlaugur Antonsson, hrossaræktarráðunautur BÍ, Kristinn Guðnason formaður Félags hrossabænda, Sigríður Björnsdóttir dýralæknir hrossa-sjúkdóma og Jón Baldur Lorange forstöðumaður Tölvudeildar BÍ. Kaffiveitingar í boði Hrossaræktarsamtaka Suðurlands.

Allir velkomnir.

Aðalfundur Búnaðarsambands Suðurlands á Flúðum 21.apríl

Aðalfundur Búnaðarsambands Suðurlands verður haldinn í Félagsheimilinu á Flúðum föstudaginn 21. apríl næstkomandi og hefst kl. 11.00

Myndasýning og verðlaunaveiting

Fimmtudaginn 2. mars n.k. verður myndasýning og verðlaunaveiting fyrir kúaskoðun haldin í Þingborg í Hraungerðishreppi og hefst kl. 13.15.

Um er að ræða verðlaunaveitingu fyrir hæst dæmdu kúr í kúaskoðun fæddar 2000 og 2001. Til grundvallar útreikningi til verðlauna er lagður útlitsdómur í kúaskoðun margfaldaður með tveimur að viðbættu kynbótamati. Verðlaun verða veitt fyrir þá gripi sem þannig fá flest stig, um þrjátíu gripi í hvorum árgangi. Skipting verðlauna milli sýslna er síðan fundin út frá fjölda skýrslufærðra kúa og skiptist þannig milli sýslna:

A-Skaft. 1 kúr í hvorum árg.

V-Skaft. 3 kúr í hvorum árg.

Rang. 10 kúr í hvorum árg.

Árn. 16 kúr í hvorum árg.

Auk myndasýningarinnar og verðlaunaveitingarinnar mun Jón Viðar Jónmundsson, landsráðunautur í nautgripærækt, taka fyrir punkta úr nautgripæræktarstarfinu.

Allir velkomnir og við vonumst til að sjá sem flesta kúabændur og áhugamenn um nautgripærækt.

Nautgripæræktarráðunautar BSSL